

Աշոտ Գ. Մանուչարյան

Պատմ. գիյր. թեկնասծու

ԱՐՁԱՆԱԳԻՐ ԽԱՉՔԱՐ ԹԵԹՐԻԾՂԱՐՈՅԻՑ*

Բանալի բառեր – եկեղեցի, ամրոց, խաչքար, արձանագրություն, վերձանություն, հիշատակ, թագավորություն, մայրաքաղաք, իշխանաց իշխան:

Մուտք

Վրաստանի Հանրապետության Քվեմո Քարթլի երկրամասի **Թեթրիծղարոյի** մունիցիպալիտետը հարուստ է հայկական պատմամշակութային հուշարձաններով, քանի որ վաղ ժամանակներում նրա տարածքների հարավարևմտյան հատվածը մաս է կազմել Գուգարաց բդեշխության, զարգացած միջնադարում ընդգրկվել է Բագրատունյաց թագավորության կազմում, ապա՝ անցել Կյուրիկյան հարստությանը (972–1118 թթ): Ավելի ուշ շրջանում այստեղ բնակություն են հաստատել արցախցիներ և արևմտահայեր: Այսինքն՝ այս տարածաշրջանում միշտ էլ ապրել, արարել, ստեղծագործել է հոծ հայություն, որի թողած պատմամշակութային հարուստ ժառանգությունը (եկեղեցիներ, վիմագրեր, խաչքարեր, տապանաքարեր, ամրոցներ) կարող է ուսումնասիրության:

Այսօր Թեթրիծղարոյի վարչական շրջանում կա 4–5 հայաբնակ գյուղ (Դաղեթ, Մեն Դուրնուկ, Փոքր Դուրնուկ, Սամշվիլդե, Սանգերետի)¹ և ավելի քան 10 բնակավայր՝ «վրացախոս հայերով բնակեցված»²:

Այս վարչական միավորի համանուն Թեթրիծղարո (თეთრიჭორო = Սպիտակ աղբյուր, Белый ключ, Аџ bulaq) քաղաքում գտնվող հայկական միջնադարյան եկեղեցու ներսում դրված է արձանագրված խաչքար, որը հին է եկեղեցուց և մեկ այլ վայրից այստեղ է բերվել ավելի ուշ:

*Հոդվածն ընդունվել է տպագրության 10.05.2021:

1 http://ru.wikipedia.org/wiki/Тетрицкаройский_муниципалитет.

2 «Հայաստանի և հարակից շրջանների տեղանունների բառարան», հատ. 2, աշխատ. Հակոբյան Թ., Մելիք-Բախչյան Ստ., Բարսեղյան Հ., Եր., ԵՊՀ հրատ., 1988, էջ 430:


Վեճ համահայկական հանդես, ԺԳ (ԺԹ) տարի, թիվ 2 (74), ապրիլ-հունիս, 2021

1. Խաչքարն ու արձանագրությունը

Կոթողի խաչապատկերը իր ժամանակին բնորոշ պարզունակ հորինվածքով է՝ առանց ձոխ գեղարվեստական նրբաքանդակության, սակայն բովանդակում է խաչելությունը՝ Գողգոթա լեռան բարձունքին, խաչի վրա հեղված փրկչական արյունը և Տիրոջ հարությունը: Հնագետ Համլետ Պետրոսյանը, անդրադառնալով այդ դարաշրջանի խաչքարերին, նշում է, որ խաչքարագործական արվեստում XI դարի կեսերից սկսած նկատվում է «ակնհայտ հետընթաց ու վերադարձ դեպի հին պարզունակ տեսակները (որը տևում է մինչև 12-րդ դարի կեսերը)»³:



Լուսանկար



Գրչագիր

3 Պետրոսյան Հ., Խաչքար. ծագումը, գործառույթը, պատկերագրությունը, իմաստաբանությունը, Եր., «Պրինտինգո» հրատ., 2008, էջ 111:

2. Արձանագրության վերծանությունը և բովանդակությունը

Խաչքարի վրա 13 տողով արձանագրված է հետևյալը.

ՆՃ (1051) ԹՈՒԽԱԿԱՆԻՆՅ ՎԱՅՈՑՅ, լՍՈՒՐԴԲ ԽԱԶ / $\overline{\text{իժ}} \overline{\text{Մե}} \overline{\text{թե}} \overline{\text{շի}} /$ ՄԵՐ.
ԵԻ

ՅՈՒԽԺ Է / ԶՎԱՐԿ Զ/ԱՐԱՐՈՂ ԽԱ/ՉԻՍ: ՅԻ/ՇԵԶԻԲ ԵԻ ԶԱՂԲԱՅԼՐԻԿ ԻՄ՝
ԾԱՌԱ $\overline{\text{ժԱ}}$ /

ԽԱԶ $\overline{\text{ժԱ}}$ / ՓՐԿՈՂ ԱԼՄԲԱՏԱ ԻՇԻԱՆԱՑ ԻՇԻԱՆԻՆ:

Շատ հետաքրքրական արձանագրություն է մի քանի առումներով: Նախ՝ թվականի հարցը: Եթե բնագրում չլինեին ուրիշ $\overline{\text{ծ}}$ տառեր, ինչպես **Ա լՍՏՈՒԱ ժ** բառի պատվագրված տարբերակում ($\overline{\text{շի}}$) և **ԾԱՌԱ** ձևում, ապա երկնիշ թվականի երկրորդ տառը կվերծանեինք $\overline{\text{ծ}}$ տասնավոր (50), որի դեպքում տարեթիվը կլիներ **Նծ** (= 450 + 551 = 1001): Սա վերծանության ճիշտ, տարածված ձև կլիներ, որը կազմվել է թվականի ընդունված ավանդական-դասական կարգով՝ հարյուրավոր (Ն= 400) + տասնավոր ($\overline{\text{ծ}}$ = 50) սկզբունքով: Թվականում չկա միավոր կարգի թիվ (Ա-Թ= 1-9): Թվականի 1001-ի դեպքում կլիներ երկակի իրողություն. կկարծեինք, թե խաչքարը կանգնեցվել է Հիսուս Քրիստոսի ծննդյան 1000 և քրիստոնեությունը Հայաստանում պետական կրոն հռչակման 700-ամյա հոբելյանների կապակցությամբ, ինչը բնորոշ է այդ ժամանակին: Մի քանի առիթներով ասել ենք, որ մեր նախնիները նոր հազարամյակի նախաշեմին կամ սկզբին սպասել են Հիսուս Քրիստոսի երկրորդ գալուստին:

Ի դեպ, վիմագրի բովանդակությունը բաղկացած է երկու մասից. առաջինում կոթողը կերտող Վարդը մեր Տեր Յիսուս Քրիստոս Աստծուն փառաբանում է, որ ուժ տվեց իրեն՝ խաչքար արարողին: Նաև դիմում է խաչը [խաչքարը] երկրպագողներին, գիրը ընթերցողներին), որպեսզի հիշեն իրեն ու եղբորը՝ Աղբայրիկին, որը հոգևորական է՝ **ԾԱՌԱ ՔՐԻՍՏՈՍ Ի**, ընդ որում՝ բարձրաստիճան (քահանա կամ նրանից բարձր): Ավելի ուշ՝ XIII դ., Աղբայրիկ անվամբ հայտնի է Այրարատ աշխարհի Արագածոտն գավառի Տեղերի հիասքանչ վանքի ճարտարապետը, որը 1213-1232 թթ. կառուցել է այդ վանական

համալիրի շինությունները (Ս. Աստվածածին եկեղեցին, գավիթը, տանիքի երկու գմբեթարդ մատուռները)⁴:

Արձանագրության երկրորդ մասում Վարդ խաչքարագործ վարպետը Քրիստոսի խաչով փրկություն է հայցում Սմբատ իշխանաց իշխանին: Տաշիր-Չորագետի Կյուրիկյան թագավոր Դավիթ Անհողինը (989/96-1048/50) ունեցել է Սմբատ անվամբ եղբայր, որը պիտի եղած լինի իշխանաց իշխան: Քննության առարկա վիմագրի 1001 թ. լինելու պարագայում կարելի էր ենթադրել, որ իր հորեղբոր՝ Հայոց և Վրաց շահնշահ (արքայից արքա) Գագիկ Ա.-ի (990-1020) գերագահության նկատմամբ անհնազանդություն դրսևորած Դավիթ Անհողինն այդ թվականին պարտվում է Բագրատունի հզորագույն թագավորին⁵՝ նրան զիջելով «որոշ բերդեր և հողեր»⁶, մասնավորապես՝ «Աղստևի միջին հոսանքի հովիտը՝ Կայան ու Կայծոն բերդերով և Տավուշ գավառը»⁷: Դրանից էլ կարելի է ենթադրել, որ այդ իրադարձությունների ընթացքում Սմբատն ինչ-որ փորձության մեջ է հայտնվել:

Մակայն ՆԾ (1001) թվականը մեր արձանագրության պարագայում սխալ է, որովհետև, ինչպես ասվել է, բնագրում ճ տառը նման չէ երկիցս օգտագործված Ծ-ին: Հետևաբար թվականը պետք է վերծանել **ՆՃ** (1051): Այստեղ թվագրությունը, ինչպես կասեր վիմագրագետ Գրիգոր Գրիգորյանը, կատարվել է «ոչ ավանդական-դասական եղանակով»՝ հարյուրավոր (Ն 400) + հարյուրավոր (Ճ -100) սկզբունքով, որը երբեմն հանդիպում է վիմագրերում⁸՝ փոխանակ միանգամից **Շ** (500) փորագրվելու:

Ինչ վերաբերում է ՅԻ/ՇԵՋԻԲ ձևին, ապա գրաբարում հրամայական եղանակի հոգնակի թվի նման կազմություն պատահում է այլ վիմագրերում ևս, մասնավորապես Սյունյաց թագավորության (970-1170) վեհության խորհրդանիշ ու փառքի տաճար Վահանավանքում: Դրա վերաբերյալ Գրիգոր Գրիգորյանն անում է հետևյալ դիտարկումը. «Լեզվաբանական առումով հետաքրքրություն է ներկայացնում **յ ի շ ե ս ջ ի ք** բայաձևը, որ փորագրված է առանց ս-ի, որպիսի երևույթ տեսնում ենք նաև այլ արձանագրություններում... Դասական գրաբարի ստորադասական եղանակի երկրորդ ապառնու երկրորդ դեմքը, իբրև կանոն, գրվում է ս-ով, որը բացակայում է հիշյալ (Վահանավանքի - Ա. Մ.) երկու բնագրերում»⁹:

4 Տե՛ս **Տեր-Սիմայան Ե.**, Ամբերգածորի հնությունները և արձանագրությունները, «Էջմիածին», 1961, Ե., էջ 51-52: **Քարխուրայան Ա.**, Միջնադարյան հայ ճարտարապետներ և քարգործ վարպետներ, Եր., ՀՍՍՌ ԳԱ հրատ., 1963, էջ 55:

5 Տե՛ս **Ստեփանոս Տարսնեցի Առողիկ**, Պատմութիւն տիեզերական, հրատ. Մալխասեանց Ստ., ՍՊբ., տպ., Ի. Ն. Սկորոխոդովի, 1885, էջ 280:

6 «Հայ ժողովրդի պատմություն», հատ. III, Եր., ԳԱ ՊԻ, ՀՍՍՀ ԳԱ հրատ., 1976, էջ 103 (այսուհետև՝ ՀԺՊ, III և էջը):

7 «Հայոց պատմություն», հատ. II, գիրք 2, Եր., ԳԱԱ ՊԻ, «Չանգակ» հրատ., 2014, էջ 132 (այսուհետև՝ ՀՊ, II, 2-րդ և էջը):

8 Տե՛ս **Գրիգորյան Գ.**, Հայկական վիմագրություն, Եր., «Չանգակ-97» հրատ., 2000, էջ 80:

9 **Գրիգորյան Գ.**, Վահանավանք, Եր., «Չանգակ-97» հրատ., 2007, էջ 65:

3. Սմբատ իշխանաց իշխանի ինքնությունը

Սմբատը, ինչպես նկատել է Արտաշես Շահնազարյանը, սկզբնաղբյուրներում անուշադրության է մատնվել. «Փոխարենը սկզբնաղբյուրները մեծ տեղ են հատկացրել պետական ու ռազմական գործչի անուրանալի հատկանիշներով օժտված Դավիթ Կյուրիկյանին, որն ավելի շատ հայտնի է Դավիթ Անհողին անունով»¹⁰:

Իր հզորության գագաթնակետին Տաշիր-Ձորագետի (Լոռու) Կյուրիկյան թագավորությունը, ըստ Ռաֆայել Մաթևոսյանի, հյուսիսից «սահմանակից էր Վիրա-ափխազաց թագավորության և Տփղիսի արաբական ամիրայության, արևելքից Գանձակի քրդական ամիրայության, իսկ արևմուտքից՝ Բագրատունյաց կենտրոնական թագավորության (Շիրակ) հետ: Հարավում այն սահմանակցում էր Պահլավունիների տիրույթներին (Այրարատի Նիգ գավառ), որից բաժանվում էր Փամբակի լեռնաշղթայի կենտրոնական մասից ձյուղավորվող Ծաղկունյաց լեռնաշղթայով»¹¹:

Տերության մայրաքաղաքը, համաձայն Ստեփանոս Տարոնեցու վկայության, Դավիթ Կյուրիկյանը «հանդերձ եղբարքն իւրով Սմբատաւ ունի զկողմանս Տաշրաց և զՎրաց դաշտի. զՇամշուլտեայ»¹² մեծ քաղաքանիստ դղեակն նիստ արքունական պատրաստեալ ինքեան՝ արագապէս տիրէ քաղաքին Դմանեաց, հնազանդեցուցանէ և ամիրայն Տփղեաց քաղաքան իւրով»¹³: Այս պատմագիրը շարունակում է հիացմունքով պատմել Դա-

10 ՀՊ, հատ. II, 2-րդ գիրք, էջ 30:

11 Մաթևոսյան Ռ., Տաշիր-Ձորագետ (X դ. - XII դ. սկիզբ), Եր., ՀՍՍՀ ԳԱ հրատ., 1982, էջ 75:

12 **Շամշուլտե** (վրաց. Սամշվիլդի = Երեք նետաղել = სამი მშვილდი) ամրոց-բերդաքաղաքը պատմականորեն գտնվել է Մեծ Հայքի Գուգարք նահանգի Տաշիր գավառում, այժմ՝ Կրասսանի Թեթրիժդարոյի շրջանում՝ Խրամ գետի ձախ ափին, Թեթրիժդարո քաղաքից 5 կմ հարավ-արևելք: Վաղ միջնադարում պատկանել է Գուգարքի հայ բղեշխներին (տես «Հայաստանի և հարակից շրջանների տեղանունների բառարան», հատ. 4, աշխատ. **Հակոբյան Թ., Մելիք-Քախչյան Սու., Բարսեղյան Հ.**, Եր., ԵՊՀ հրատ., 1998, էջ 73): Խալիֆայության գերիշխանության շրջանում (VIII-IX դդ.) մաս է կազմել Տփղիսի արաբական ամիրայության: Սմբատ Ա. Բագրատունի (890-914) թագավորն այն ազատագրել է արաբներից, միացրել հայկական թագավորությանը՝ Տաշիրի կառավարումը (Շամշուլտե կենտրոնով) հանձնելով Վասակ և Աշոտ Գնթունի եղբայրներին, որոնք, սակայն, հետագայում հրաժարվել են ճանաչել Աշոտ Բ. Երկաթի (914-928) գերագահությունը, ինչի համար հայոց արքայից պատժվել են (տես **Հովհաննես Դրախանակերտցի**, Պատմութիւն հայոց, Թիֆլիս, տպ. Ն. Աղանեանցի, 1912, էջ 295, 313): Բագրատունյաց թագավորության անկումից հետո Շամշուլտեն վերստին անցել է Տփղիսի ամիրայությանը: X դ. վերջին, ինչպես վերև ասվել է, Դավիթ Անհողինը բերդաքաղաքն ազատագրել է և դարձրել Տաշիր-Ձորագետի Կյուրիկյան թագավորության արքայանիստը: 1064 թ. սելջուկ սուլթան Ալիապանը (1063-1072) Կյուրիկյաններից գրավում է Շամշուլտեն, ապա խաղաղության դաշն է կնքում Կյուրիկե Ա. (1048/50-1089) արքայի հետ «և վերջինիս դուստրը կնության է ուզում իր վեզիր Նիգամ ալ Մուլքին» (ՀԺՊ, III, էջ 455): Դրանից հետո, ինչպես երևում է, սելջուկները Շամշուլտե բերդաքաղաքը վերադարձրել են Կյուրիկյաններին՝ բավարարվելով Տաշիր-Ձորագետի թագավորության նկատմամբ իրենց գերիշխանության հաստատմամբ: Որոշ ժամանակ անց վրաց թագավոր Բագ(ա)րատ Դ-ն (1027-1072) հայերից գրավում է Շամշուլտեն և միացնում իր թագավորությանը (տես «Վրաց աղբյուրները Հայաստանի և հայերի մասին», թարգմ. **Մելիքսեթ-Քեկ Լ.**, հատ. Ա., Եր., «Մելքունյան ֆոնդ» հրատ., 1934, էջ 208): 1087/8 թ. սելջուկները վերստին տիրանում են Շամշուլտեին (տես ՀԺՊ, III, էջ 455): 1110 թ. վրաց Դավիթ Շինարարը (1089-1125) սելջուկներից հետ է խլում Տաշիրի այդ հայտնի բերդաքաղաքը և միացնում վրացական թագավորությանը (տես նույն տեղում, էջ 524): 1236 թ. Շամշուլտեն գրավում են մոնղոլները (տես նույն տեղում, էջ 608):

13 Ստեփանոս Տարոնեցի Ասորիկ, էջ 256:

վիթ Անհողինի հաղթանակների մասին, որը «արիացեալ քաջութեամբ, քաջագօր գօրութեամբ յաղթող եղեալ ամենայն հակառակորդաց իւրոց»¹⁴:

Այդ հաղթական պատերազմներում, այդ թվում՝ Գանձակի ամիրա Փատլուն Ա.-ի (985-1031) դեմ, անտարակույս, ի պաշտոնե իր մասնակցությունն է ունեցել Լոռու թագավորության իշխանաց իշխան Սմբատը՝ Դավիթ Անհողինի եղբայրը: IX դ. վերջի – XII դ. սկզբի հայկական թագավորությունների (և ոչ միայն հայոց) պետական կարգը գրեթե միանման էր: Բազմատունյաց հարստության շրջանում իշխանաց իշխան բարձրագույն տիտղոսը կրել են երկրի սպարապետը, ասպետն¹⁵ ու մարզպանը: Իշխանաց իշխանին համարժեք էր տերանց տերը, ինչպես կոչվում է հայոց սպարապետ Շապուհ Բագրատունին Վանեվանի 903 թ. վիճագրում¹⁶: Ավելի ուշ իշխանաց իշխան էր հայոց սպարապետ Վահրամ Պահլավունին (998-1045): Սյունյաց թագավորությունում իշխանաց իշխանը կոչվում էր նաև մեծ իշխան և անձամբ գլխավորում էր ռազմական գործողությունները¹⁷:

1051 թ. իշխանաց իշխան Սմբատը դեռևս ողջ էր, քանի որ Թեթ-րիծղարոյի խաչքարի հիշատակագրության «Խաչ **ԾԲ** է փրկող Սւմբատա իշխանաց իշխանին» վերջաբանում՝ զիկկուրատի մեջ և դրանից ներքև, բացակայում է **հոգի** բառը («Խաչ **ԾԲ** է փրկող հոգոյ Սւմբատա իշխանաց իշխանին»), որով կցուցվեր արքաեղբոր վախճանված լինելը:

Սանահնի վանական համալիրի Ս. Գրիգոր Լուսավորիչ եկեղեցու ՇԺ (1061) թվականի ընծայագրում՝ «Ի ԹԱԳԱԽՈՐՈՒԹԵԱՆՆ ԿԻՒՐԻԿԷԼԻ, ՈՐԴՈՅ ԴԱԽԹԻ ԱՐՔԱԻ», Կյուրիկյան թագավորության իշխանաց իշխան է հիշատակվում «ՇԱՊՈՒՀԻԿ ԻՇԽԱՆԱՅ ԻՇԽԱՆ, ՈՐԴԻ ԳԱՐԲԱՆԻԷԼԻ, Ի ՏՈՀՄԷ ՊԱՀԼԱՎՈՒՆԻ»¹⁸:

Սա նշանակում է, որ 1061 թ. իշխանաց իշխան Սմբատը կենդանի չէր և նրան Տաշիր-Ձորագետի ինքնակալության զինված ուժերի գործակալի պաշտոնում հաջորդել է ռազմական հզոր ավանդույթներ ունեցող Պահլավունյաց տոհմի ներկայացուցիչ Շապուհիկը:

14 Նույն տեղում, էջ 257:

15 Տե՛ս **Մանուչարյան Ա.**, Կիճակները որպես Հայաստանի քաղաքական պատմության սկզբնաղբյուրներ, Եր., «Լուսաբաց» հրատ., 2015, էջ 81-84: Ասպետները, թագադիր լինելուց զատ, նաև զորավարներ էին:

16 Տե՛ս «Դիվան հայ վիճագրության», պր. IV, Գեղարքունիք, կազմեց **Բարխուդարյան Ս.**, Եր., ՀՍՍՀ ԳԱ հրատ., 1973, էջ 121-122:

17 Սյունյաց թագավոր Սենեբերիմի (1072/84-1094/96) որդի Հասանը Նորավանքի զավթի հարավային լուսամուտի միջնորմի մեջ ազուցված խաչքարի արձանագրությունում հիշատակվում է «իշխանաց իշխան» («Դիվան հայ վիճագրության», պր. III, Վայոց ձոր, կազմեց **Բարխուդարյան Ս.**, Եր., ՀՍՍՀ ԳԱ հրատ., 1967, էջ 121-122): Ստեփանոս Օրբելյանը նրան կոչում է «մեծ իշխան» (**Ստեփանոս Օրբելյան**, Պատմութիւն նահանգին Սիսական, Թիֆլիս, Ելեքտրաշարժ տպ., 1910, էջ 326):

18 «Դիվան հայ վիճագրության», պր. IX, Լոռու մարզ, կազմեցին **Բարխուդարյան Ս., Ղաֆադարյան Կ., Սաղումյան Ս.**, Եր., ՀՀ ԳԱ «Գիտություն» հրատ., 2012, էջ 76 (այսուհետև՝ Դիվան, պր. IX և էջը):

Վիեննայի Մխիթարյան միաբանության անդամ հայր Ղևոնդ Մովսեսյանը իշխանաց իշխան Սմբատին շփոթում է Կյուրիկե Ա. արքայի համանուն եղբոր հետ¹⁹: Վերջինս Կյուրիկեի հետ հիշատակվում է Հաղբատի Ս. Նշան եկեղեցու ՇԺԲ (1063) նվիրատվական արձանագրությունում²⁰, իսկ նույն սրբարանի ՇԼԲ (1083) շինարարական վիճակագրում հանդես է գալիս որպես «ՄՄՊԱՏ ԹԱԳԱԽՈՐ»²¹: Նա Կյուրիկեի հետ թագավոր է նշվում նաև Նեղուցի ՇԼԵ (1086) թ. տերունական խաչքարի հիշատակագրությունում²²:

Եզրակացություններ

1. Թեթրիծղարոյի 1051 թ. խաչքարը կազմող Վարդ վարպետը մեզ այլուստ հայտնի չէ:
2. Հիշատակվող իշխանաց իշխան Սմբատը Տաշիր-Ձորագետի արքա Դավիթ Անհողինի կրտսեր եղբայրն է: Եղել է Տաշիր-Ձորագետի թագավորության սպարապետը: Վախճանվել է 1051-1061 թթ. միջակայքում:
3. Սմբատ Կյուրիկյանի ռազմաքաղաքական ողջ գործունեությունը ծավալվել է Տաշիր-Ձորագետի թագավորության շամշուկյան շրջանում, երբ ինքնակալության արքայանիստը Շամշուկե բերդաքաղաքն էր: Ուստի բացառված չէ, որ 1051 թ. խաչքարը Թեթրիծղարո քաղաքի հայկական եկեղեցում հայտնված լինի այդ ամրոցից:

Աշոտ Ա. Մանուչարյան – գիտական հետաքրքրությունների շրջանակում են՝ վիճակագրություն, հայոց միջնադարյան քաղաքական պատմություն, Հայ եկեղեցու պատմություն, պատմամշակութային հուշարձանների (վանքերի, եկեղեցիների) ուսումնասիրություն, հայկական պատմական աղանդներ և ժամանակակից աղանդավորական շարժումներ: Հեղինակ է 7 գրքերի, գրքույկների (մի մասը՝ եռալեզու՝ հայերեն, ռուսերեն, անգլերեն), 75 գիտական հոդվածների և հրապարակումների:

Էլ. հասցե - ashot.manucharyan.1959@mail.ru

19 Տե՛ս Լօթիի Կիրիկեան թագաւորներու պատմութիւնը, գրեց՝ Մովսէսեան Կ. Ղևոնդ, Վիեննա, Մխիթարեան տպ., 1923, էջ 38, 48:

20 Տե՛ս Դիվան, պր. IX, էջ 136:

21 Նույն տեղում, էջ 135:

22 Տե՛ս նույն տեղում, էջ 253:

Summary

AN INSCRIBED KHACHKAR FROM TETRITSKARO

Ashot G. Manucharyan

Candidate of Sciences in History

Key words – medieval, church, castle, khachkar, inscription, decoding, memory, kingdom, capital, prince of princes.

Inside the Armenian medieval church in the Georgian town of Tetrtskaro (თეთრონწყარო = White Spring) there is a khachkar (cross stone) with a lapidary inscription.

We assume that the khachkar was moved from the Samshvilde fortress, whose ruins are located 5 km southeast of Tetrtskaro town. Shamshvilde was the early capital of the Armenian kingdom of Tashir-Dzoraget.

The lapidary inscription on the khachkar consists of 13 lines. It was created by master Vard in 1051 in memory of himself and his brother Aghbayrik, who was a priest.

At the end of the inscription, prince of princes Smbat of the Tashir-Dzoraget kingdom (972-1118) is mentioned. He was the brother of King David Anhoghin of Tashir-Dzoraget (989/996-1048/50). Prince of princes Smbat was the commander-in-chief of the Tashir-Dzoraget kingdom. He died between 1051-1061

Резюме

ХАЧКАР С НАДПИСЬЮ ИЗ ТЕТРИЦКАРО

Ашот Г. Манучарян

Кандидат ист. наук

Ключевые слова: средневековый, церковь, замок, хачкар, надпись, расшифровка, память, царство, столица, князь князей.

Внутри армянской средневековой церкви в грузинском городе Тетрицкаро (=თეთრონ წყარო = Белый ключ) расположен хачкар с лапидарной надписью.

Предполагаем, что хачкар был перенесен из крепости Шамшулде, руины которой находятся в 5 км к юго-востоку от города Тетрицкаро. Шамшулде был ранней столицей армянского Ташир-Дзорagetского царства.

Лапидарная надпись на хачкаре состоит из 13 строк. Хачкар был создан мастером Вардом в 1051 году в память о себе и о своем брате Ахбайрике, который был священником.

В конце надписи упоминается князь князей Смбат (972–1118 гг.). Он был братом царя Ташир-Дзорогетского царства Давида Анхогина (989/996-1048/50). Князь князей Смбат был главнокомандующим войск Ташир-Дзорогетского царства. Он умер в период 1051-1061 гг.

REFERENCES

1. **Barkhudaryan S.**, Mijnadaryan hay chartarapetner ev k'argorts varpetner, Er., HSSR GA hrat., 1963 (**In Armenian**).
2. «Divan hay vimagrut'yan», prak III, “Vayots' dzor”, kazmets' Barkhudaryan S., Er., HSSH GA hrat., 1967 (**In Armenian**).
3. «Divan hay vimagrut'yan», prak IV, “Geghark'unik'”, kazmets' Barkhudaryan S., Er., HSSH GA hrat., 1973 (**In Armenian**).
4. «Divan hay vimagrut'yan», prak IX, “Loru marz”, kazmets'in Barkhudaryan S., Ghafadaryan K., Saghumyan A., Er., HH GAA «Gitut'yun» hrat., 2012 (**In Armenian**).
5. **Grigoryan G.**, Haykakan vimagrut'yun, Er., «Zangak-97» hrat., 2000 (**In Armenian**).
6. **Grigoryan G.**, Vahanavank', Er., «Zangak-97» hrat., 2007 (**In Armenian**).
7. “Hayastani ev harakits' shrjanneri teghanunneri bararan”, h. 2, **Hakobyan T.**, **Melik'-Bakhshyan St.**, **Barseghyan H.**, Er., EPH hrat., 1988 (**In Armenian**).
8. “Hayastani ev harakits' shrjanneri teghanunneri bararan”, h. 4, **Hakobyan T.**, **Melik'-Bakhshyan St.**, **Barseghyan H.**, Er., EPH hrat., 1998 (**In Armenian**).
9. «Hay zhoghovrdi patmut'yun», GA PI, Er., HSSH GA hrat., 1976 (**In Armenian**).
10. «Hayots' patmut'yun», h. II, girk' 2-rd, GAA PI, Er., «Zangak» hrat., 2014 (**In Armenian**).
11. **Hovhannes Draskhanakertts'i**, Patmut'yun hayots', T'iflis, tp. N. Aghanyants'i, 1912 (**In Armenian**).
12. https://ru.wikipedia.org/wiki/Tetrickarojskij_municipalitet (**In Russian**).
13. “Lorii Kiwriekan t'agaworneru patmut'iwné”, grets' **Movsesyan h. Ghevond**, Vienna, Mkhit'arean tp., 1923 (**In Armenian**).
14. **Manuch'aryan A.**, Vimagrere' orpes Hayastani k'aghak'akan patmut'yan skzbnaghbyurner, Er., «Lusabats'» hrat., 2015 (**In Armenian**).
15. **Mat'evosyan R.**, Tashir-Dzoraget (X d. - XII skizb) Er., HSSH GA hrat., 1982 (**In Armenian**).
16. **Petrosyan H.**, Khach'k'ar. tsagumč, gortsaruyt'č, patkeragrut'yunč, imastabanut'yunč, Er., «P'rintinfo» hrat., 2008 (**In Armenian**).
17. Step'annos Orbēlean, Patmut'iwn nahangin Sisakan, T'iflis, elektrasharzh tp., 1910 (**In Armenian**).
18. Step'anos Taronets'i Asoghik, Patmut'iwn tiezerakan, hrat. Malkhaseants' St., S. Pb., tp. I. N. Skorokhodovi, 1885 (**In Armenian**).
19. **Ter-Minasyan E.**, Amberdadzori hnut'yunnerē ev ardzanagrut'yunnerē, «Ejmiatsin», 1961, N 5 (**In Armenian**).
20. Vrats' aghbyurnerē Hayastani ev hayeri masin, t'argm. **Melik'set'-Bek L.**, h. I, Er., «Melk'onyan fond» hrat., 1935 (**In Armenian**).